

characteristica ) indubitato nobis constiterit: de ipsa quoque Filij existentia dubitandum erit: Filius enim non erit, si generatus non fuerit.

74. Testantur ergo S. literæ Patrem genuisse filium sibi ὁμοούσιον καὶ συναιδίον. Psal. 2, 7. Filius meus es tu, ego hodie genui te. Quem locum non de Davide, uti Calvinus Iudaizat, sed de Christo exponendum esse, testis est omni exceptione maior Epistola ad Hebr. cap. 1, 5. & cap. 5, 5. Et Petrus Act. 4, 25. & 26.

75. Quo respectu Ioh. 1, 14. 3, 16. item, 1. Ioh. 4, 9. nominatur Unigenitus à Patre: Col. 1, 15. πρῶτότοκος πάσης κτίσεως. primogenitus omnis creaturæ: Qui termini æternæ huius generationis notationem habent.

76. Quin ipsum quoque nomen Filij in Scripturis passim reperitur, Matth. 16, 16. 28. 19. Ioh. 1, 18. & 34. cap. 3, 17. & 18. Rom. 8, 3. Gal. 4, 4. &c.

Psal. 2. 7. 77. Pari ratione & illud de Generatione hac constat, quod sit æterna: Siquidem Filius à Patre genitus in æterno illo HODIË, ad quod nulla prorsus temporum διαστήματα pertingunt. sed quod nihil est aliud quàm æternum quoddam Nunc quin ipsa Æternitas, quæ à DEO inhabitari dicitur. Ies. 57, 15.

78. Quo sensu Prov. 8, 14. Sapientia, ( quam Orthodoxi omnes λόγον sive Filium DEI esse, unanimi consensu intelligunt ) se genitam & formatam